

# Trefn yr oedfa

## Galwad i addoli a gair o groeso

Gwenan Creunant

### Emyn

Elim, Llanddeiniol

(Tôn: Newyddion Braf)

Newyddion braf a ddaeth i'n bro,  
hwy haeddent gael eu dwyn ar go;  
mae'r Iesu wedi cario'r dydd,  
caiff carcharorion fynd yn rhydd.

*O llawenhawn, cydlawenhawn  
am ddyfod Iesu Grist i'n byd;  
efe yw'r Gair, Duw cariad yw,  
efe yw'r gobaith inni i gyd:*

*Halelwia! Llawenhawn, cydlawenhawn  
am ddyfod Iesu Grist i'n byd.*

Mae Iesu Grist o'n hochor ni,  
fe gollodd ef ei waed yn lli;  
trwy rinwedd hwn fe'n dwg yn iach  
i'r ochor draw 'mhen gronyn bach.

Wel, f'enaid, bellach cod dy ben,  
mae'r ffordd yn rhydd i'r nefoedd wen;  
mae'n holl elynion ni yn awr  
mewn cadwyn gan y Brenin mawr.

*John Dafydd  
Cyt. Elfed Lewys*

## Darlleniad: Mathew 16<sup>13-20</sup>

Rhydlywyd, Lledrod

## Comisiynu ac Ymateb

Eleri Pierce Barder

### Gweddïau

Dros Gymru – Seion, Aberystwyth  
Dros yr Eglwysi a'r Ysgolion Sul – Morfa, Aberystwyth  
Dros Eleri a'r Fenter – Bethel, Talybont

## Neges

Dr Owain Edwards, Coleg y Bala

## Emyn

Penllwyn, Capel Bangor

(Tôn: Cerddwn Ymlaen)

Cerddwn ymlaen i'r yfory,  
chwifwn faner yn y gwynt,  
seiniwn glod am a gafwyd,  
am fendithion dyddiau gynt;  
am y rhai fu yma'n sefyll  
ac yn brwydro dros y gwir  
seiniwn glod a cherddwn ymlaen.

Fe ddaeth ddoe â'i siâr o ofid  
a daeth pryder yn ei dro,  
gwelwyd hefyd haul yn gwenu  
a llawenydd yn ein bro:  
ond drwy'r lleddf a'r llon fe welwyd  
llaw yr Iôr yn llywio'n bywyd  
i'r yfory sy'n obaith gwiw.

Mae'r yfory heb ei brofi,  
mae ei stôr o hyd dan sêl;  
mae pob dyfais mae am gynnig  
a phob profiad o dan gêl:  
ond wrth fentro 'mlaen cei flasau  
gwir anturiaeth, ac fe weli  
fod yfory yn obaith gwiw.

*Peter M. Thomas*

## Y Fendith

Y Parch Judith Morris

*Cyfeiliwyd i'r emynau gan ieuencid yr eglwysi  
o dan ofal Llio Penri*

Derbynnir offrwm tuag at **beibl.net** yn ystod yr ail emyn

*Croeso i bawb ymuno am sgwrs a phaned  
yn Festri Bethel yn dilyn y gwasanaeth*